



Ane Hansen /
Inatsisartunut ilaasortaq
/MAANI

§ 37 naapertorlugu apeqqummut nr. 2014-144-imut akissut, saarullinnut akinik minnerpaaffiliisinnaaneq pillugu.

Inatsisartut suleriaasianni § 37, imm. 1 naapertorlugu saarullinnut akinik minnerpaaffiliisinnaaneq pillugu Naalakkersuisunut apeqquteqarsimavutit. Apeqqutit uannut akisas-sangorlugit innersuunneqarsimapput.

Apeqqutit:

1. Saarullit akiisa appasinnerpaaffilernissaanik Naalakkersuisut pilersaaruteqarpaat?
2. Sinerissap qanittuani saarullinniarnermi tunitsivitsigut ajornartorsiuteqarneq pillugu Naalakkersuisut pitsanguutissanik qanoq suliniuteqarpaat?
3. Saarullinniarnermi akit pitsanguutissaanik Naalakkersuisut sunik allanik suliniuteqarpaat?

Akissut:

1-mut)

Piffissami maannakkorpiaq Naalakkersuisut saarullinnut akinik minnerpaaffiliisoqarnissaanik pilersaaruteqangillat. Niuerfik killilersugaanngilaq akinilu apeqqutaasarpur neqeroruteqarnerit piumaneqarnerallu kiisalu kattuffiit akornanni isumaqatigiissutit tamakulu Naalakkersuisunit akuleruffigerusunneqangillat.

Tamakku saniatigut saarulleqarnera pitsanngoriartorpoq, pisassiissutit amerliartorput saarulliillu agguaqatigiissitsilluni anginerulersimallutik, tamakkualu kinguneraat saarullinik aalisarnerup pitsaanagerusumik akilersinnaaleriartornera.

2-mut)

Naalakkersuisunit saarullinnut umiarsuarnik tunitsiviliinissamik qinnuteqartoqaraangat qinnuteqaatit tamakku akuerineqartarsimapput, saarullinnialeruttornerullu nalaani tunisnermut pitsaanagerusumik periarfissiiniarlutik umiarsuarnik tunitsiviliinissamat akuersissuteqartarsimallutik.

Ilangulluguttaaq ukioq manna siusinnerusukkut Naalakkersuisunit Royal Greenland akuerineqarsimavoq saarullinniarni aalisarnermi pilersaarummik nutaamik aallartitsinissaminut tunisnermut periarfissat kiisalu aalisakkat pitsaanagerulersinneqarnissaat qulakkeerniarlugit. Pilersaarutip tamatuma kinguneraa Royal Greenlandimit angallat uumasuutsivilik atorneqalersimammatt taassuma saarullit umatillugit aalisartut bundgarniinit millugullugit qaqittarlugit, tamatumalu kingorna saarullik uumasuutsivissuarmi uumarujoorsinnaalluni aalisakkat tunisassiornermi atorneqalernissaata tungaanut - aamma aalisakkamit umatillugu toqqorterisarnermik taaneqartarpoq. Taamaaliornikkut aalisartut pitsaanagerusumik tunisnermut periarfissinneqartarput, tassami suliffissuit utaqqisariaaruttaramikkat. Saarullik taamatut aalisartumit annertunerusumik suliaqartitsinngimmat isumaqatigiissutigineqarsimavoq tulaannerani akia kiilumut 3 koruuninik annertussuseqassasoq. Saarullit naliginnaasumik niaquerlugit erlaveerlugillu tunisat kiilumut 4,50-imiit 6,50 kr.-inut nikerartinneqarput. Peqatigitillugu paasinarsivoq saarulliup pitsaassusia pitsaanagerulersartoq kiisalu saarullik nutaarluinnaasartoq tunisassiornermi atorneqartussanngoraangami.

10-07-2014
Suliap nr 2014-101619
Upp. normua 1632489

Postboks 1015
3900 Nuuk
Oqarasuaat (+299) 34 50 00
Allakkasuartaat (+299) 32 50 02
E-mail: govsec@nanoq.gl
www.naalakkersuisut.gl

Saarullinniarfiup kingorna pilersaarut Royal Greenlandimit naliliivigineqassaaq, maannakuugallartorli pilersaarut iluatsitsiviusutut isikkoqarpoq. Tunisassiat pitsaanerulerne-
rat aamma akinik pitsaanagerusunik kinguneqartarpoq nalinginnaasumillu saarullinnut akit qaffakkiartorput.

3-mut)

Apeqqut 1-imut akissut naapertorlugu, Naalakkersuisut maannakkorpiaq pilersaarute-
qanngillat.

Inussiarnersumik inuulluaqqusillunga

Finn Karlsen